



Hnam dang sumdawng titawp turin YMA-in hma la zel

Chanmari West, August 28: YMA General Conference 2010, Lungleia neih thurelin "Mizo hming hawha dan lova hnam dang sumdawngte titawp turin Central YMA-in hma la rawh se" a tih chu bawhzui chhunzawm zel a ni.

Central YMA hruaitute chuan, Mizorama Mizo hming hawha hnam dang sumdawngte inthiarfihlm tura an tihna leh hma an lakna chu an bawhzui zel dawn tih an puang a; August 24-a Aizawl DC-in, sorkar phalna la loa hnam dangte permit endik khap a nih thu a chhuah chungchanga zawhna chhangin, CYMA hruaitute chuan, Mizo hming hawha sumdawng leh permit nei lo hnam dangte chu an enfiah zel tur thu an sawi a ni.

CYMA hruaitute chuan, dan loa hnam dang sumdawngte chu sumdawnna bânsan tura hriattirna an pek angin, an zâwm em tih tun thla hian an enfiah tih an sawi a; an thil enfiah leh bawhzui mekah dan kalha thiltih an nei lo nia sawiin, "YMA chu ram leh hnam tan a ding zel dawn a ni," an ti a ni.

Mizo thenkhat, mahni ta anga chhâla hnam dang dawr nghahsaktute chu hnam hralh an ni tih sawiin, chung mite chu an thiltih bânsan turin an ngen nawn leh a; ram leh hnam chhanna kawngah YMA a tlanche dawn lo tih an sawi bawk.

CYMA-in Mizo hming hawha hnam dang sumdawng an endikte list an siam chu pe ve turin Aizawl DC-in YMA a ngen tih an sawi a; list chu DC an pek dawn thu leh, DC-in a bawhzui dan en zui zel an tum thu an sawi bawk.

Hemi chungchangah hian Aizawl DC, Surbir Singh chuan August 24 khan thupek chhuahin, hnam dangte Trade License leh Inner Line Permit-te chu sorkar phalna la lo leh hriatpui loha endiksak phal a nih loh thu a puang a; permit endik tur leh dan leh thupek kengkawtu chu district thuneitute leh police-te an nih thu leh, dan loa thil tite chu an chungchang ngaihtuah a nih tur thu a tarlang a ni.

He hmalakna kalpui mek hi Thalai Sorkar hna thawk lo ten sumdawnna kawng an zawh theih nan leh Mizote Economics-a chimrala kan awm loh nana hmalakna a ni a, Mizo mipui zawng zawnge hnamdang sumdawngte mahni hming hawhtir lo tur leh a lo ti mekte pawh August 2011 thla chhung ngeia titawp turin an ngen a, tin, a bawhzuitu tur pawl pawh insiamin a tul anga hmalak zel CEC pawhin a rel a ni.

LOCAL COUNCIL HRIATTIRNA

DCSO Aizawl East atanga lekhka hmuh angin BPL/AAY Card Holder zawng zawnge chuan Ni 30.8.2011 (Thawhlehn) aia tlai lovah R/T-II atanga transfer duh zawng zawnge'n an mahni ngei inlanin DCSO Aizawl East Office ah kal tur a ni.

Sanitation Point thar :- Khuangchera Section chuanhuai te tan Upa Lalsangzuala Hauhnar te kawmthlang kawngkawi ah Bawlhhlawh pah Motor a rawn ding thin dawn a, lo ngaihven turin an in hriattir.

NGENNA : RSBY CHUNGCHANG

"Dam loh nikhuua man chawi lova Damdawiin a inenkaww theih nan RSBY (BPL bik tan) ah in ziak lut ve ta che. Inziahluh hun hi Health Worker ten an rawn hriattir ang che, chhungkaw kima inziaklut turin i lo in ring dawn nia. Hemi rual hian APL chhungkaw tan pawh Mizoram Health Care Scheme-ah inziahluh nghal theih a ni bawk."



Ni 22.8.2011 zan khan Lalrinmawia S/o Zabawihha Khawpuar khua, kan venga rawn awm zawk chu, Rangvamual kawng thlangah a ruang chhar a ni a, a ruang hi Khuangchera YMA Run-ah tlaivarpu a niin, thawhleh khan an khaw lamah thawn chhuah a ni.



Chanmari West Salvation Army ten Camping an neih mek chu, kan Branch YMA hmingin tanpuina ` 1000/-pek an ni.



Khawthat veleh kan vengchhunga Step Checker Tile phahte rawng hnawih thar tum a ni.



CM Running Trophy neih turah kan telve dawn avangin, member te lam zir tura lo in ringlawk tura ngen kan ni e.



Kan vengchhunga Vai awmte chhinchhiahna Branch OB te mahni Incharge na Section-ah Section Leader leh Secretary te nen tun thla (August) chhung hian neih tur a ni.

HRIATTIRNA

Election chungchanga zawnna zawh tur neite chuan he No 1950-ah hian Office hun chhungin zawnna zawh theih a ni e.

Property Sub-Com kohna

Vawiitlai Dar 3 ah hian Chanmari West Branch Y.M.A Property Sub-Committee te Chairman Pu T.C.Lalhmangaiha In, Ch-Section ah meeting neih tur a ni a, kohna hrarpa siam a nih loh avangin hei hi kohna ah ngaih tur a ni.



TUN KAR CHANGVAWN

Mahni tisa lama thehtu chuan tisaa mi chhiatna a sang ang a; Thlarau lama thehtu erawh chuan Thlarauva mi chatuana nunna a sang dawn a ni.

Galatia 6:8

Editorial Board
Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpuia
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer
President

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluua
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Thu ziak mi, thu thiam leh mi tana tangkai tur ziak lama thiamna neilo mah ni ila kan ko va a tlak miau hi chuan mite anga mutmu han tuah veng veng hi thil har tak chu a ngei mai. 'Tun tum chu article han ziak teh' han in tih reng mai te hi a inthlahrunawm viau zel a, amah T-a a awm loh phei hi chuan engtinngé kan hnawhkhah ang, eng ang thu nge kan tarlan ang tih ngaihtuah hian kan thle kan hle mai zawng a nih hi. Tunkar zet zawng Br.YMA in Sport a buatsaih tur atan pawh kan in la fit hman lo a chha chu a ni e. Chhungte mut tawh hnuah tun issue chu eng thu nge kan tarlan ang, tih ngaihtuaha ziakfung han vawn meuh chuan sana in dar tlemte a lo kawk nghal zel mai si a, reilote mut han tuma zing taka practice ve tum pawh hian kan han thawh ve meuh chuan chawei leh hna kal in min nangching zel mai zawng a nih hi.

Article :
HLUTNA

-Dingga

Enge hlu a,eng hi nge hlu lo?Hlutna chu khawiah nge a awm?tiin inzawt ta ila; chhan dan a inang lo thei hle awm e. Kan thupui thlanin min phut angin ,sakhaw thlirna tukver(Religious point of view) atang ni lovin, hlutna awmna chu ka'n thlasik mau puahpui phawng phawng ang e.

Thil engkim mai hian hlutna an nei theuh a,hlu lo reng reng an awm lo tihna erawh a ni lo!Hluna reng reng nei lo ni awm tak,hlu lo mai pawh ni lova hnawksak zawk tlat an awm thin. Enge a chhan ni ta ang le?Hlutna nei theuh theuh hlu vek awm tak?A ni reng lah tak a,hlu vek sela chu he thu hi ziak lovin ka mu mai mai ang a,a hahdamthlak zawk tur....tiraw?

Hlutna hi mawinaah te, sum-paiah te, ropuinaah te, changkannaah te, thiamnaah te hian a awm ngawt lo va. A man tam tam (to to) hlu lah a ni na hek lo.Hlutna awmna chu nihnaah a ni. Thil reng reng hi a nih dan tur ang taka a nih hian a hlu a, a mawi a, a zahawm thin. Nihna chu mawhphurhna hlenchhuahnaah a awm. A ni chuan hlutna awmna chu mawhphurhna hlenchhuahnaah a ni a tih theih ang.

Kan duh reng vang ni lovin, mihringa kan lo pian vang hrim hrim zawkin tihhawhlin tur mawhphurhna kan nei a.Tui taka kan muthihlai emaw, tui vak lova kan mut lai te pawh hian chu'ng mawhphurhnate chuan min delh betin min uap reng a ni.Chu'ng mawhphurhnate chu kawng li lek han tarlang ila:-

Chhia leh tha hriat: Heta "hria(t)" tih hian hriat ringawt lam ni lovin, a chhe lam chu thlaauthla a, a tha lam zawm hi a kawk.Mi tupawh, tung chhova kal tawh phawt chuan a chhia leh a tha an hre tur a ni a. Mahni tana tha leh tha lo te, midangte tana tha tur leh tha lo tur te, mihringte tana pawimawh leh pawimawh lo te, a dik leh dik lote thlir hran a, a tha lam,a dik lam, a mawi lam kawng zawk hi mihringte mawhphurhna a ni.

Mahni inhriat chian: Kei hi enge ka nih a,eng hmunah nge ka awm? Eng hun nge ka tawng? Mi thinchhia nge ka nih a, mi zaidam? Enge ka tuizawng ni a, enge ka tih theihzawng? Pawisa hman sen loh khawpa nei mi hauska ni em? Ramhuai be mai mai nge ka nih a, Pathian nung betu? Eng kawngah nge ka ram leh hnam hian min mamawh?.....etc. tihte hi hriat chian a tul a. Chutianga mahni inhriat chian a,mahni hma lam kawng thlir thiam, mahni tihtur dik tak hmu fiah thei,mahni tih loh turah inrawlh lo mi nih chu a tul. Mahni inre chiang lote chu mihring hlu an ni ngai lo.Puitling si naupang chhe awma awm, hlawhtling si lo hlawhtling thawka thaw, thiamna nei si lo mithiam lena leng, nei si lo nei awma awm,hre si lo hre ber anga insawi thinte hi mihring hlu an ni ngai lo va,mi hnawksak an ni zawk. Mihringin a mah a inhriat chian hi a tul a ni.

Hawihhawm: Mihringte hi mahni induh hlura kan awm hian kan hlut phah chuang reng reng lo va, in ti thutak apiang an hlu bik a ni na hek lo. Tlang chhuak bai al liak pha chin kan ni emaw,

thi beh lo kan ni emaw pawh nise, mahni thum thuma thum tura lo piang kan ni lo va. Inthlauthla bik tur kan awm lo va, inhnuachhiaha inhmusit bik tur lah kan awm na hek lo. Chuvangin,kan mihring puite karah hawihhawm taka kan awm a tul a, thu zaizap tak leh hawihhawm taka sawi thin a pawimawh. Kawm nuam tak leh nelawm taka awm a,rilru zau tak pua kan mihring puite kara nunkhua hman hi mi tinte mawhphurhna a ni.

Midang tana inpek: Boruak oxygen-a chawm nun chawp mihringte hi a huhova chenga inmamawh tawn vek tura lo piang kan nih avangin,midangte tanah kan thiam,kan theih,kan fin leh neihte kan hman chhuah a tul a ni.Kan tih theih ve chhun zar hnuia midangte,hlim tak ,nuam ti tak leh nihlawh taka an awm hian kan nun hi a hlu em em thin a ni.Chutianga midangte tana inpekna nei lo mihring an awm a nih chuan mi chawbe lo an ni mai a,an nun a hlu lo hle tihna a ni.Kan pekchhuah tam leh tlem azirin kan nun hlut dan erawh a inchen lo nuaih thei.

Hun inher danglam zel hian hringnun hi a tha zawnga a nghawng rualin,a chhe zawng pawhin a nghawng nasa a.Globalization-in khawvel hnam naupang zawkte a nuai chimit mek a,ralthuam lama changkannain mihringte min titlabar a,khawl thil lam hman nasat luat tukin Global Warming(Khawvel lum tual tual) hring chhuakin Van mawng te a pawp a,natna hri tha late a rawn chhuak a.Chumai bakah tuifinriat tui a bawlhhawh tual tual a,tlan tur tui thienglim a vang tan mek.Thli kawng bo hlauhawm tak takin min nuai ta fo mai bawk.Tin,nungchaten nasa takin an tuar a,an chenna tui leh ramngawte kan suat nasat avangin chenmun leh eitur nei lovin an mang mek.Nungchate leh ramngawte tel lovin mihringte kan nung thei si lo.Kan kut hlei vang leh hrawk hriam luat vanga nungcha leh ramngawte kan suat nasa thinte hi a pawi thui lutuk.He'ng nungchate leh ramngawte hi khawvel thil hlu ber berte an ni a,tangka leh lunghlu engzat mah ina a lei theih lohte an ni.

Indona leh inelna tha lo pung tual tual te,firifiak leh rawlrala chetna hluar tual tual te, a.....sawi tur a tam mai. Sawi dawn chuan Chhura thawnthu sawi anga tawp hlei thei lova sawi tur a awm ang. A pawimawh ber chu kan hun tawng leh a kaihhnawih thilte thiam hi a ni.

Awle,kan sawi takte khi a kimchang lo hle ngei ang. Englekhwale, kan sawi takte khi mihring hlutna awmna a ni tih hria a, kan zawm theih phawt chuan hlutna lipuiah kan inchiah nui ri uarh uarh ngei ang.

KHUANGCHERA

Section Leader Pu Lalrinliana chu chhungkaw thilah Kolkata lamah a thang mek a, dam taka a lo haw leh thuai an beisei.

An member Tv. Lalrammawia S/o Ramfangzauva chuan Fire Department-ah hna tha tak a hmu chu an lawmpui hle.

Section Jersey leh Ball tum sak thei mi tlawnmgai an awm chuan an chungah an lawm hle ang.

Section member-te YMA Sport lo awm tura items hrang hranga Section aiawh thei tura tan lo la theuh turin an inchah.

Section hruaituten Zawlbul Fund an khawn mek a, chhung tinte tlawnngngaih chhuah a lo pe zel turin an ngen. Hruaitute pawh thahnemngai taka khawn zel turin an in chah bawk.

CHAWNGBAWLA

Naktuk 28.8.2011 zing dar 6:00 ah an section aiawha Football (Mipa) khel tur zawng zawnge High School Field-ah kim taka kal tur a ni a, players selection neih nghal tur a ni ang.

Section hruaituten Zawlbul Fund an khawn mek a, chhung tin te tlawnngngaih chhuah a lo pe theuh turin an ngen. Hruaitute thahnemngai taka khawn turin an in chah bawk.

Pu Thanliana damlohma avanga New Life Hospital-a inenkawl mek pawh dam taka a rawn chhuah leh thuai nan duhsakna an hlan.

Section member zawng zawnge YMA activities hrang hranga tlawnmgai taka tel thin turin an in beisei.

VANAPA

Thawhleh Zan ah hian rokhawlha buru tak a awm loh chuan Section Committee koh tum ani a, Committee Member te hunawl lo insiam turin an in chah.

Section chhungah Zawlbul Fund rawn khawn chhoh mek a ni a, Chhungtinte Vengchhung mamawhna hria a lo ngaipawimawh theuh turin Section in kan in ngen tak meih ani.

Zosangzuala (Matetea) Police Deptt. (Fire & Emergency Service) hnuia Sub-Station Officer hna Interview turin Written Exam a paltlang. NI Lalbiakzuali (BZI) Zonet, Mizo Idol neih mekah Second Round a lut. Hlawhlinna an chan ngei an duhsak.

Volleyball khelh tum te tlai dar

(V-Section Report chhunzawmna)

4 ah Indoor ah Practice thin tur ani a. Basketball pawh naktuk zing Dar 6:30 ah Primary School kawtah Practice tur ani. Selection ranpa neih anilo a tel tum zawng zawng te chu Practice thin turin an in hriattir. Football pawh High School Field ah Practice mek zel ani Final Selection siam thuai tum ani.

Asst Secy Tv R.Lalrinnghta hmalaknain Sport Deptt. atangin Football leh Volleyball 2 ve ve, Basketball 1 an dawng.

Tv Laltlanchhunga Synod Hospital Durtlang ah a awm mek a rawn chhuah leh thuai an beisei.

NEUVA

Branch Sports 2011 neih tura Section aiawha tel tur zawng zawnge Team List August ni 31 ralhmaa theh leh a ngaih avangin Practice tha lo te chu telh ve loh an nih pawha hrethiam turin an in ngen lawk a, Football High Field-ah Practice thin niin Volleyball Indoor-ah Practice thin a ni bawk.

Section tana Volleyball leina tur ` 850/- petu Pu.R.Lalhlimpuia leh Football leina tur ` 500/- ve ve petute Pu.Lalrohnuna leh Pu Sangzapianga te chungah lawmthu an sawi tak meuh meuh.

An hruaitu Pu.H.Vanlaluata, Pu.K.Lalhruaitluanga leh member engemawzat Salvation Army Camping buatsaiha lut ten thlarau pawlha thar an chang chu an lawmpui hle.

An hruaitu hlui leh an member tangkai tak NI.lalmuankimi Hauhnar Tuipubari II-a Missionary kal chu an ngaihluin a rawngbawlna kal zel turah duhsakna an hlan.

An hruaitu Tv.R.Zoramthara Halflong-a Football khela thang mek chu Champion no mawi nena damtaka lo haw turin duhsakna an hlan.

YMA Zawlbul sak chhunzawmna turin chhungtinah hetiang hian Fund an rawn khawn dawn ` 1000, ` 600, ` 400, ` 300, ` 200, ` 150 leh ` 100. Chhungtinte lo in ring tur leh tlawnmgai a lo pe turin an in ngen a, October thla ralhmaa target pe tla theuh turin an in ngen bawk.

Gas sem leh hmasaberah YMA Zawlbul Point-ah Sl.No.6 - 55 sem a ni ang.

Salvation Army Biak inbul leihlawn / Slab chhe tawh tak mai chu

(V-Section Report chhunzawmna)

Motor ritphur leh ritphur lo tan pawh zawh loh theihloh a ni si a, a Slab pawh a pawp zau tawh hle mai a, a pawp lai nilo a hnuai lamah pawh hian Rod a lang fur tawh mai bawka chetsualna a thlen loh nan mitinte fimkhur turin an in ngena. Chutih rual chuan thuneituten a ranglama siam tha thuai turin an ngen bawk.

TAITESENA

Ni 20.8.2011 (Inrinni) khan thuthleng siama hnatlang neih a ni.. Tin, nimin Inrinni khan he hnatlang hi chhunzawm leh a ni bawk a, thuthleng 50 siam zawk a ni. Member hnatlang thawkchhuak te chungah lawmthu an sawi.

Tlailamah Indoor Stadium ah Volleyball practice thin a ni a, practice na a la kal lo te pawh thahnemngai taka kal tum hram hram turin an in ngen.

Tunkar chho atang hian Zawlbul Fund khawn tan tum a ni a, chhungtinte lo ngaipawimawh a a ranglama lo tihfel tum theuh turin an in ngen.

Vaivakawn ramri bul (Pu Rampua (L) hmun) bawr vela sunday tlaia zu in thin vengchhung mi kan la awm chu sim tawh turin an in hriattir.

ZCC NEWS

Ni 23-25.8.2011 chhung khan an member mi 18 te Zawlnuam-ah Song & Drama Programme neih an kal a, Dhamchera Bazar, Tripura an tlawh nghal.

Kan hma lawka Chief Minister Running Trophy, Cultural Dance competition neih turah Branch YMA-in lam zir a tih huna zir vek turin Club member-te an ngen.

Ni 29.8.2011(Thawhtan) hian Vanapa Hall-ah NE Cultural Festival programme nei turin an in buatsaih mek a ni.

Club Dress hawhtu ten an derss hawh te dimdawi tak a hmanga, a hun taka dah let leh thin turin an in ngen.

SUB CENTRE NEWS

Health Care enrolment ti Chanmari West Indoor Stadium-a thla la te kha in thlalak (Smart Card) a chhuak tawh a, naktuk thawhtan(29.8.2011) hian Sub-Centre ah lam theih a ni ang. Tin, sawkar hnathawklo MR Bill theihna enrolment tih mek a ni. September 2011 thleng hawn a ni ang. A ti tur chu hmanhmawh deuh tura hriattir kan ni e.

Letter to Editor

Subject : Thil bo chungchang.

A hnuaia ka han tarlan ang hian kan thil bo chungchang ka rawn tarlang duh a, veng mipuiten fimkhur phah nan leh kan inrinlawk theihna tur a nih beiseiin a remchan dan angin chanchinbu-ah min lo tarlan sak thei la ka lawm hle ang.

Ni 22.8.2011 tlai lam dar 4:00 bawr vel khan kan inngak nula chu hmeichhia leh mipa in luhchilhin a ka an hup sak a, bengchheng a siam chuan thah hiala vauin chumi te chuan kan Gas bur 2 chu an la chhuak (ru) a, he thil thlen hma hian hmeichhe pakhat (Raipuar nia hriat) chuan in hrang hrangah lutin Gas leh buhfai a zuar kual bawk a, he nu pawh hi kan inah lutin gas a zawrh chu kan nula chuan kan lei duh loh thu ahrilh hnuah awm chilhin chhungkaw chanchin chipchiar te zawtin a tawpah phei chuan gas bur hawh chhuah te a dil ta hial a, hemi hnu hian a kal chhuak a, a hnuah chuan nula leh tlangval-te chu rawn lutin hmeichhia zawkin kan nula chu a hmui hup sak pah a thah a vauin hemi chhung hian mipa zawk hian kan gas bur awmna chu rawn luhchilh nghalin a thiay chhuak nghal a, an tlanbo nghal a ni.

Hemi chungchangah hian nu pakhat leh nula leh tlangval te hian plan fel tak neia inthurnal ni ngeia hriat an ni a, gas bur hi ruk bo mai nilova in vau behna hial a thleng ta hi a pawi hle a, hemi avang hian veng chhung nu leh pa te pawhin inzirtirna tha zawk leh fimkhur phah nana kan hman beiseiin he thu hi ka rawn ziak a ni.

Tin, hemi chungchangah hian heng mite hi lo hrechiang kan awm a nih chuan min hriattir vat turin kan beisei bawk a ni.

Irintlak
Lalhmacchuana (Mch-a)
Chawngbawla Section
Ph : 9862526021

AVIANCE & AYUSH

Direct Selling a tui mite tan Aviance & Ayush ah, August thla chhung atan member fee an rawn discount e. INDIA in a ram sik leh sa mil tura vun tana tha tura a siam hi kan lo ngeih ber....A product a tlawm a hrall a nuam bawk. Member kan la tlem a, member ni hmasa rawn ni rawh le..

Hrechiang duh tan :-
8794026603

LAWMTHU SAWINA

Kan nau Lalrinmawia (35) S/o Zabawiha(L) Khawpuar-in Ni 22.8.2011 (Thawhtan) zana Rangvamual-a tawhsual a tawh chungchangah a ruang buaipuitu te zawng zawng, YMABuk-a min tlaivar pui chungchangah te, Postmortem tura min buaipuitute, Kuang mawi tak min siam saktu Chanmari West Branch YMA, Puana mawi taka min tuam saktute, Pangpar dahtu MHIP, Vengchhung nu leh pa te leh Khawpuar lama a ruang min phurhsaktu bialtu MLA Pu R.L. Pianmawia chuangah lawmthu kan sawi a, he kan lawmthu sawina hi a tul anga min buaipui tu zawng zawng ten min lo pawm sak turin kan ngen a che u. Rethei leh chanhaite tan a in thawhrimna leh inpekna hi ngaihsan awm kan tiin Pathianin a let tam taka malsawmna in a vur theih nan che u lawmthu kan sawi pahin kan tawngtaina a ni e.

In khawngaihna dawngtu,

LALHRTALIANA
Taitesena section

MOTOR HIRE THEIH

City Bus (407) thar tha tak engtik lai pawhin Pawl ang leh mimal ang pawhin hman theih reng a ni e. Vengchhung mite chu duhsak bik an ni ang.

P.C. LALTHANMAWIA
Taitesena Section
Ph 9612319076

AIRCEL SIM CARD
'ATHLAWNIN A LAK THEIH E'

Tul te :-
Voter's ID Xerox fiah tak
1 copy
Passport size photo
2 copies

* Top up 30 man thun tur a ni.
* Nghah a ngai lo a lak theih nghal.

Pu Tlana Dawr, Kawipui
Contact:-9856300500

**TUITION TUITION
ADMISSION OPENS**

Class XII – Physics,
Chemistry, Mathematics,
Accountancy

Class timing: 4:00 – 6:00 PM
Class tan hun: 5th Sept, 2011

ZoCareer Solutions
A/77 Near Axis Bank
Chanmari, Aizawl
Ph: 2306789/ 9436193526

HETAH HIAN SMS LA

>>9774170328<<

Thlanmuai hlui samfai hnatlang hi neih a hun leh tawh viau lo maw ? Park Sub-Committee te khan hma han la teh u. Park hnim deuh hi a tha dawn em ni le.

986222_55

Vanapa Section kawr bula Ui dum 2 mi kawng kal bauh reng thin hi miin an ning tawh takzet a ni. Ti tawp theit u an ngai hle mai.

943635_22

Kan veng a lo thianghlim zel zawk nan hmun tinah hian bawlhhlawh bawm dah theih nise, kan veng a lo fai theih zawk nan.

977499_08

Khuangchera Section Bungraw In bul leihlawn hi en en ringawt lovin siam mai theih dan hria kan awm mial lo maw.

897414_82

(*Helai culvert hi a enkawltu Deptt. lamin siamtha tur hian hma an la mek e*)

I fate rual lek kha khing khing suh. A puitlin loh thlak em mai, I thenawmte tan thenawm tha ni rawh. Thenawm hnawksak ni suh, In er lo in el rawh u.

879459_23

Kan venga damdawi zuar te khan intih cher nana hman thin damdawi ruihtheih kha Doctorin a chawh loh te hnenah hrallchhuak tawh lo teh u.

961214_01

(SMS kan dawn te hi Ed. Bd
ngaihdan a ni vek kher lo)

**JO JO RESTAURANT
CHAWNGBAWLA SECTION**

Restaurant-a thawk tur theirawl fel tak leh harhvang tak mamawh a ni a, hrechiang duh tan a hmunah zawh fiah theih a ni e.

Prop.
Nguri
Ph- 9612163271

L.R. HARDWARE

**Hunthar Peng,
Vaivakawn**

Insakna bungrua chi
hrang hrang Rangva,
Pipes, Glass leh Rawng
(Asian Paint) etc. kan
zuar e.

Contact : 9436198519